

CBM Uganda

ABOOLUGANDA MU YESU

EBIHULUNDU MUMASIMA KE BAIBULI YESU ALI OHUKOBOLA!

1. Humanyire hutye huti Yesu alikobola?
2. Tubonero sina otwekesa ebiha biyesu byalikoboleramo?
3. Yesu yategesa sina otubolera ati husabengee huti, "obwakabaka bwawo bwiche"?
4. Omupango kwanasaye kwesyalo sino kuli kutwe?

Bino nibyo busa bilala hubiteboo bihwicha oba nga hubasaho muhatabo hembikiti hano. Hasome nende ebayibuli.

Syahabere eshohwewunyisa? Yesu Christo nakobole husyalo. Yahatuwonishe, yahatuhonyere, yahatwemerere - ebindu bi bahulembesi befwe bibatanyala ohola.

Ekanisa cha bakurisitayo chihira obungi chihoyerwa osumesa bino bindu, nenga efwe, Aba Christadelphians (Obuluganda mu Christo), mubwadyeri hufukirira mubindu bino. Mubwadyeri, newesomera ebayibuli omwene, otekwa ohwicha husyakamo nasilala.

YESU CHRISTO ALI OHUKOBOLA

Huli abahahafu mbwe ebayibuli yibola yiti alikobola musyalo sibi sino, handi alisichusamo esindu silayi muno ohirawoo.

Endagaano Ehale yatekahanga abandu hulwohwicha hwayesu - yababolera yiyesu yiyaba nache ohwibulwa, siyaba niyecha ohuhola, nende koti luyaba nacha ohufa,

Endagano njaha yitubolera, nasilala, ebindu ebingi ebidirana huhwicha hwa Yesu hwohubiri - esyalo nga lusiriba, syalicha ohuhola, handi nende Obunyala bwaliba nabwo niyombaha esibuga syaye.

Mubwadyeri, ebayibuli hasi bitaboo bibiri ebikabuhane, endagano ehale nende endagano njaha.

Sitaboo silala esilambirire. Siri nende amawulire malala akendeleya.

"Yesu Kristo ali ohukobola."

Ebisubiso

Enyuma muluberyeberye esula ehumi nende chibiri ohwola hwabiri mutanu hubolerwa mbwe nasaye yadola omusacha mulala mubangi, handi yamusubisa ati esyalo shosi syahaberesibwe emikisa kyanasaye obitira muye. Elita lyo musacha lyaba Abraham handi esisubiso sino syalondibwamo eyiri omusyani waye Isaac, handi nende omwihuhulu waye musyani Jacob - oyo yesi eyaberesibwa erita lya Israel. Mangumangu edala lala lino elyekabila ehumi nende chibiri lyahula musyalo syamani, handi nasaye yalondamo ebisubiso nasilala eyiri abahungu bedala lala eryo amahabi mangii.

Maria, ngina Yesu, yatula mudala lino handi ohwola hubiha biyesu biyebulirwaho musyalo sya Israel abandu bangi baba bakonya omuwonia nende kabaka. Bosi bali bamanya ebisubiso handi baba besubira omundu owoluyali handi owamani ohwirusa aba-romans, ababa nibawangule, handi ohuba kabaka wabwe. Ano yiriwo bilala hubisubiso binasaye biyahola eyiri abana ba Israel.

* Baba bacha ohukerama eloba lya Israel emirembe nemirembe (Oluberyeberye 13:15).

* Nyumba ya kabaka David nende obwakabaka bwaye bwaba bucha ohwombahibwa hulye mirembe-nemirembe (2 Samwiri 7: 16).

* "Mundaloo echo Judah yiriwonesebwa, handi Jerusalem yirimenya bilayi mudembe" (Jeremiah 33: 16).

Yesu niyaba naliho emyaka amahumi kadaatu yeyatulira eyiri abana ba Israel nga omwana wanasaye.

Abandu abangi bafukirira mbwe kweli yaba yechere ohuba omuwonia wabwe handi omwami wabwe, nenga abahulembezi bahira obungi hasi bamufukirira. Hasi bamanya, oba hasi bahafukirire, sinasaye yaba nasubise Maria, oba sibamalayika baba nebabolere abaayi. Abahulembezi bahira obungi hasi bafukirira mu byamagero ke'yesu kohuwonia, oba mumbosi chaye chamani. Mumbaka ye'myaka kidatu nende esitundu baba nibasodisye abatuki ba Roma ohumwita. Ata nende abayigirisa bamuleha beruha.

AMASHUHIRA

Nensa Yesu hasi yadaonga nafwire. Nasaye yamuleta erwanyi wengani yamala yamuberesa obulamu bwene buyaha. Handi hasi yaba owohufa - nanu Kristo hasi wohufa. Yelomalomaho ati: "Obunyala bwosi bumberesebwa mukulu nende assi." Sino syawumuha koti ye lwali omuwonia handi omwami. Yino yaba enjaaka busa.

Yesu hasi yeboneheranga omundu atamufukirirangamo. Ahabi yabwe yomuteba nend omwakuhira yaba yibitire. Abayigirisa baye bongane nibo abamubona handi balomaloma naye. Endalo amahumi kane nikahabitawo Yesu niyahamala ohusyuha yacha mukulu, nga aleha esisubiso enyuma waye - silala hubisubiso byamani byaba nibiholebwe.

"Yesu mulala wuno, abatusibweho nga acha mukulu, alikobola mungeri nasilala yimubweneremo nacha mukulu." (Mubiholwa byabatume 1:11)

Esyosisiri ohweholeha. Nenga muhahafu onyala ohubona otula mumamaliraha ko'mupango kwanasaye kuhumalire ohwewunjaho, mbwe Yesu Kristo alyoseres ebisubiso naba nga akobola husyalo.

Ohukobala hwayesu

Nanu whicha ohwewunja hu bwandike butono obwembosi ya'nasaye ohuberes esifananyi ashatuhirifu sihira howo:

1. Nasaye yabola ati ebyalo byosi ebyasi byaba bicha ohuberesebwa omukisa ohubitira mudala lya Abraham (Oluberyaberye 12:3).

2. Omwami we syalo yaba acha ohutula mulwibulo lwa kabaka David (Luke 1: 32).

3. Kabaka wuno yaba acha ohufa nenga hasi- yahadongere nafwire (Psalm 16: 8-11).

4. Enahukobola hwomusyani wa nasaye edungu ly'aba licha ohulahulana handi obulwaye bwabandu buliwona (Isaiah 35).

5. Esyalo siritukibwa nende omwana wanasaye, otulira mu Jerusalem (Isaiah 2: 2-5).

Hulwesyo sibonehana esyatuhirifu mbwe omupango kwanasaye otulira elala muhwanja kwali ohutuma omusyani waye koti omuwonia handi koti omwami. Ohwibulwa hwa Yesu nobulamu bwaye husyalo huno byaba ohukanya abandu bamutegere, handi nende efwe ohutegera syalihola nakobola handi.

Yesu ali ohuhola sina nanu?

Yesu ali mukulu, hu'muhono mulungi kwanasaye, otekeha obwakabaka bwaye. Nisyo esyakera natubolera ohusabanga.

"Esibuga syawo siche." Mangumangu siricha! Yesu alikobola ohutula mukulu yombaha esibuga syanasaye assi ano. Alisingisa abafu, alimala obuchafu musyalo, handi alituka husisala sya David, otulira mu Jerusalem.

OBUBONERO

Nasaye hasi aberese endalo chebindu bino byosi ohweholeha, nenga eberese otubonero otwekesa lina luhuhoyere hweubire Yesu. Assi ano yiriwo bitono hubilakulibwa mu'bayibuli yihukobola hwa'yesu yitumbulibwa.

1. Abandu besyalo sya Israel balikobola muloba lyabwe lyobwibulwana (Jeremiah 23: 5-8) - sino siberenge nisyebola mubiha byo bulamu bwefwe!

2. Ebidinyu byesyalo syosi biriba nga betegereheha eyiri buli mundu (Luke 21: 25-27) - sino syadyeri ohirahowo nanu ebiha byosi enyuma eyo mberi.

3. Ebyalo bingi musyalo biritihirisa handi biryakuhira Israel (Zechariah 14: 1-11) - Hutingale husino ohuba nga syehola mangu.

Siri otegereheha mbwe esifwo, Syebindu byene ohweholeha siri ohwombahibwa hulwohukobola hwa'yesu assi ano. Hasihuli abahahafu mbwe yesu afunya lina, nenga hunyala hwabona nende obuhahafu esiri ohweholeha awambi nafwe. Ebyalakulwa biri ofuha ebyadyeri. Aba'Israel ata bafukirirwe otula mu Russia (Jeremiah 23: 8). Yino nenyongesa yawambi ano eyiri ahapapulo ahaleyi hebindu byalakulibwa ebyamalire ohwolelera.

Bulanu sina shocha ohola husino? Ocha ohulinda yesu afunye hwohole esindu syosi? Nisiri sityo sinyala ohuba nga sichelebe.

Aba christadelphians bali okesaho ohugondera ohulangibwa hwe'njiri, handi ohwetekehera omuwonia wefwe kabaka (Mululimi lwendagano njaha, Greek, "Yesu" sitegesa "Omuwonia" handi "Christ" sitegesa "Kabaka").

Odaha ohwetekehera ohwicha hwa'yesu ofukirira huhugobere ahatabo handi ahadirana hubwadyeri bwa bayibuli?

Yesu ali ohukobola!

Hudaha otubolere nodaha ohumanya ebingi husomesa ya'bayibuli nende efukirira ya'christadelphians odaha otutabo tundi munamba yino.

Nga odaha bino teba omu christadelphian ohuli awambi oba yandika eyiri:

Christadelphian Bible Mission (Uganda), 404 Shaftmoor Lane, Hall Green, Birmingham, B28 8SZ.

Christadelphian Bible Mission (Uganda), PO Box 436, Busia, Uganda.

CBM Office (Uganda), PO Box 725, Jinja, Uganda.